

## S Ziel Vor Auge

### 1. Strophe

Nabkin stampft a und es waggel d brugge  
Mitem ziel vor de auge jedi platte z toppe  
Das ganze wird glinge denn ich hamer versproche  
über mi eigne schatte z springe und nit eifach schatte z boxe  
es töne d fanfare grad so wie bir götterdämmerig  
walkyre ziehn d bahne well sich äntlich öppis änderet  
s isch zit zum vernichte was moll blind isch erbaut worde  
hauptsorge: fangi a no wöttis ständig  
und muess vo jetz a nur no mine eigene asprüch gniese  
und fehler sälber igseh anstatt fehler witterschiebe  
welli s ziel vor auge ha ich will e derbi szene rocke  
was heisst s git nur no real shit oder leeri cd boxe  
je meh ich gse zum chotze descho meh isch das e asporn  
für hiphop s glische z wärde wie fürd kunscht dr andy warhole  
und ischs emoll so witt und uns kennt jede so wies moma  
üebi füre ufftritt woni im petersdom in rom ha  
hahaha wunderbahr ich weiss bi überheblich  
doch ich stell sound in vordergrund dr räschte isch mir eh glich  
well rime mike beat und ich hän unser ziel vor auge  
und wärdes au erreiche wenn's die meischte au nit glaube  
mir wän zwar nit behaupte s goht nur bärguff kei rückschlag  
aber vielmoll isch halt päch der grund wo uns zum glück fehlt  
also chopf abschalte well ich mi chopf nit immer bruch  
denn gohts mer wienere schwangere ich los uff mi buch

### Refrain 2x

Lueg hinter jedi scheiss fassade hinter jede rote vorhang  
Wenn öppis gseit muess wärde denn isch klar wienich do vorgang  
Ich nimm e blatt papier los e beat nimm e stift  
Schrieb mer alles vo der seel mit eme lächle ufem gsicht

### 2. Strophe

es goht jetz wieder vorwärts ich spür au scho der fahrt wind  
voller energie wenni bemerk wienich an fahrt gwünn  
verbie an allne dräckwärfer und riesnegel streuer  
die tricks sin so veraltet do isch mi lego neuer  
dorum wird ich schnäller über berge und durch täl  
uff der suechi nachem dicke fisch im weiher wiene reiher  
dr mike stoht hinter mir und er supportet permanänt  
erschtens weller dj isch und zweitens produzänt  
und ich schänk em mis vertraue und ab und zue e platte  
und freu mi wiene blöde wenner für mich drüber cuttet  
unsri asicht kongruent 100 prozänt ischd konsequenz  
kompletiere uff die art d intelligänz vom konsumänt  
und das macht uns scho zum leader au vor der zielgrade  
drum drei i no mi kopf nach hinte wie bim iparke  
seh wasi zrugg lo und was nümme will erschiene

herrlich moment doch leider au e paar ruine  
ich los e derbe beat und ich fühl en und es pusht me  
und legg mer so der startpunkt vom texte bis zum uffne  
mit jedere negeschte ziele kummi im ziel immer nöcher  
unis skills wärde besser dr vinyl stapel höher  
zum wachse gehört au s wüsse um die eigeni beschränktheit  
und zu dir sälber stoh was immer au der eint seit  
denn wennd kritisiert wirsch wirsch öppis richtig mache  
me grifft nur die spieler a wo nachem ball packe

Refrain 2x